



罪人方濟。我等稽首謝心。上書于聖教宗主。我
爾憫我憐我。大發仁慈之心。速宣救贖之恩。我等
聖化。初以書籍開教。幾十年。始蒙七迹之恩。又七年。仍遭大害。神
父捨命。教眾解首。朕後憂畏之中。餘人無救。不能成會。各自潛伏。
惟願上主慈悲。教皇宏慈。不棄殘生。亟施拯救。日夜哀禱。又踰
十年。含悲飲痛。老死者沒者。不知幾何。其生者。亦不知何時得活。
聖化如渴待飲。如旱望雨。而天高莫攀。海闊無梁。我等畧閱聖書。
普天下聖教初入之地。不由司鐸傳教。只聞文書訪道。惟有我中
國。而為主致命者。前後殆過百人。蒙恩向化者。現今不下萬人。然



愚誠不能重譯于上都。洪恩未及遍敷于其區。雖緣黑子。絕
虞海隅。車書隔會同之義。舟車無梯航之便。而都以我等誠情淺
薄。罪罰深重。不能感上主至慈之心。敬大命默啟之功。拊心
哀懼。真切痛困。伏惟至尊之主。降世受死。偏替罪人。代主之位。
環轍穿塚。宣救罪人。今我等舍靈于赦贖之世。歸化于幽暗之區。
世俗苦其身。罪惡觸其靈。洗解神恩。無路辨承。禮盡塵禮。未獲結
仰盼望甚殷。宣揚尚遲。我等之悲。究呼號。姑舍不論。仰惟大命
或德馨情哀。籲并陳事情數條。慈憫矜憐。必無限量。茲敷仰賴
耶穌功勞。併倚大命威德。發情哀籲。并陳事情數條。伏乞仰體

降生之至意。俯憫失收之羣羊。誕發德音。急遣司鐸。洪揚聖血
恩功。救拔我等神靈。為光榮天主聖名。及副不之職任。亞孟。

一、我等管領以附近地方。歸于北京。而偏邦迂俗。國禁至密。况窘
難以來。糾察百倍。我邊措手。莫可奈何。且聞北京亦有窘難。彼
中料理。又極不安。因此兩間周旋。無以板援。敬救我等靈魂。除
非浮海而來。萬無便宜之道。我國北隔通陸。三面環海。而西海
距青齊。不滿十里。故雖聲風便。相逢南邊。距南京。不過數千里。
以此計較。則塞門島已廣揚之地。相距不過三四千里。自彼發

上宰相書

丁保祿 著述

竊以孟氏之廓闡揚墨者。恐其肆害於儒門也。韓愈之攻斥佛老者。恐其惑亂於黔首也。古之君子立法設禁。必考其義理之如何。爲害之如何。然後當禁者。禁之。不當禁者。不禁之。若其果合於義理。則雖葛蕘之言。聖人必取。此不以人廢言之義也。我國之禁天主教者。其義何居。初不問義理之如何。以至寃極痛之說。歸之邪。